

Yaqui God's Simple Plan

'Achai Jesu-Krijtota-Betana Juu'u Tu'ii Nok-Lutu'uria

Bwé'ituk kaábe yeú-bé'eeka, s'ime, Liójta-bíchapo káa-tú'iik yá'ari. 'Íntok s'ime, Liójta-bíchapo tú'isi 'áet bém mabét-túnee'ut, tókti kaíta 'ámet 'ayúkai. Romáanom 3:23

Bwé'ituk wépulsi jíba, júka'a káa-tú'iik bo'ó-jóoriawamta, yée-bittua'u, káa-tú'isi tawáka, kókkowame junáa'a. Taa Liójta-bétana, yée 'á'a mikbae'u, júu'u jíba-yúu-jíapsiwame junáa'a, 'itóm 'áchai Jesú-kríjtota-mák 'éaka 'á'a súalekai. Romáanom 6:23

Bwé'ituk 'emé'e, jíba júka'a Liójta junúen yée 'á'a nák-tá'aa'abetchí'ibo, 'emé'e jínne'urim, két 'áchai Jesú-kríjtota 'emé'e 'á'a súalekai. 'Íntok 'iní'i súa lwame, káa jítása 'emó-bétana tú'iika 'enchím yá'ari, 'ála 'iníka'a 'emé'e Liójta-bétana 'á'a mikri. 'Iní'i, káa jítása senúk tú'iik 'á'a yá'ari-betchí'ibo wéye, junúen-sán 'iníat kaábe 'áu ché'ewarinee. 'Epéesiom 2:8-9

Taa júu'u seénu 'íntok, yá'uraapo tékilekame, 'iní'i 'amáu mékka taáwak. 'Iní'i 'íntok kía téekau-bícha júni'i káa jikáu bítchubaekai, 'ála táupo 'áu chónaka 'íntok: "'Óo 'émpo, 'áchai Liós, née jíokole, káa-tú'ii-yoémta," tí 'áu jíiak. Luúkas 18:13

"Bwé'ituk júu'u Liós, 'iním 'ániapo júka'a yoémraata, túa 'á'a nákekai, 'áapo júka'a wépul 'á'a yoémiata, jíokot 'áu 'á'a bítnee'ebetchí'ibo 'á'a sú-u-tójak. Junúen-béja, s'ime júme'e 'á'a súaleme, 'iníme'e, káa jíba-betchí'ibo kókkoka, taa 'ála 'iníme'e, jíba-yúu-jíapsiwamta bém bítnee'ebetchí'ibo. Júu'u Liós, káa júme'e 'iním bwíapo jíapsame, káa-tú'isi 'ám tawáabaekai, júka'a 'á'a yoémiawa 'á'abo 'á'a bíttau. Taa 'ála 'áapo, 'iníme'e jínne'ubaekai." Jóan 3:16-17

Júu'u káa-tú'iika 'emóu wéyeme, 'enchím 'áet jí'op'éa'u, káa 'áma-bútti 'emóu 'aúnee. 'Íntok jíba júu'u 'iním, kaábe yeú-bé'eeka, 'itóu 'aúkame-bénanee. Taa 'emé'e káa jaín 'éaka, Liójtat yoém'éenee. Bwé'ituk 'áapo júu'u Liós, káa náa-búujtia 'íntok, káa 'enchím 'áu yumá'ala-bépa 'íntok 'emóu 'á'a 'aútuane. Taa 'ála júka'a 'enchím 'áet jí'op'éa'u káa-tú'iik 'emóu wéyeo, júnak két 'áapo júu'u Liós, 'enchím káa 'áet jí'opne'ebetchí'ibo, 'enchím 'áet 'aníanee. 'Íntok junúen-béja, 'emé'e káa 'áet jí'obeka, 'áma yeú-kátnee. 1 Koríntiom 10:13

Junúen-sán, 'inen né 'á'a lútu'uriatuka'apo jú'unea, Liójta jíba 'itóm 'á'a nákne'ebetchí'ibo, kaíta 'itóas 'ayúka'apo. Kía kókkowamta 'itóm májjaunee'u júni'i. 'Íntok kía 'iním jíapsaka, béttesi 'itóu 'ayúkame júni'i. 'Íntok kía júme'e 'ánkelesim júni'i. 'Íntok kía júme'e 'iním yó'o-nésauweme júni'i. 'Íntok kía káa bítta júni'i, júka'a bébeje'erita-bétana 'útte'ata jípweme júni'i. 'Íntok kía 'iníme taéwaimmet 'ayúkame. 'Íntok kía júu'u chúkula yeú-machíaneeme júni'i. 'Íntok kía júm téekau 'ayúkame 'íntok 'iním bwíapo 'ayúkame júni'i. 'Íntok kía jíta tá'abwika júka'a Liójta jú'unaktei júni'i, túa kaíta, 'áapo'ik 'áchai Liójta, 'itóm 'áchai Jesú-kríjtota 'itó-betchí'ibo 'á'a yáaka'ue itóm 'á'a

nák-jiókolee'u 'itóm 'á'a jú'uneiyaatuaka'u-bétana 'iníka'a 'á'a béje'eka 'itóm 'á'a koptátuaneeme Romáanom 8:38-39

Bwé'ituk, 'itóm 'áchai Jesú-kríjtota yáaka'ue, júu'u nésauri-jí'ojtei, káa 'íntok 'á'a 'útte'atune'ebetchí'ibo, junáma-tájtia 'á'a tawáak. 'Íntok két, 'í'an, sí'ime júme'e 'á'a súaleme, Liójta-bétana 'ám tú'u-mabéttébo. Romáanom 10:4

Bwé'ituk 'áapo'ik-bétana nók-lútu'uriapo 'ínen jíia: Wásuktat 'enchím 'anía'éa'ut né 'enchí jíkkajak. 'Íntok taéwait 'enchím 'áa jínne'uitunee'ut, né 'enchí jíkkajak. Maa 'í'an junáa'a júu'u wásuktia, 'ém 'áet 'aníanaa'u. 'Íntok 'iní'i taéwai junáa'a, 'ém 'áa 'áet jínne'uitunee'u. 2 Koríntiom 6:2

'Iníka'a bémpo jíkkajisukai, 'iníme'e, bém síóksi 'éa'u 'amét 'ayúkan, 'íntok júe Peó'otéamtau 'íntok júme'e waáte Kríjtota yéu-pú'arimmeu nátemaek: --'Itó-mák wérim, 'itóm téjwaanee 'inía-bétana, jáisa tá 'année, tí 'ámeu jíakai. Júnako júu'u Peéo: --Liójta-bíchapo 'emé'e, káa-tú'iikut-bétana 'emó temáeka 'á'a koptánee. 'Íntok wée'epulaka, 'emé'e Jesúujtau-bícha nokáka, 'áe-betchí'ibo 'emó bató'owaa-tébonee junúen 'enchím káa-tú'uwa-yá'arimmet 'enchím jíókoinaa'abetchí'ibo. 'Íntok junúen 'áapo júu'u Liós, júka'a 'áapo'ik-bétana 'á'a tú'u-jíapsita 'enchím 'á'a míknee, tí jíiak. Kríjtota Yéu-Pú'arim Yá'ari 2:37-38

'Íntok 'emé'e 'iním Liójta-bétana 'á'a tú'ure'epo 'áman, beméla jíapsiwamta máktaka, 'áapo'ik 'enchím jíapsi'í'aa'abénasia, 'iníae 'emó 'aníaka jíapsinee. 'Inía-bétana 'emé'e Liójta-bétana, túa machísi lútu'uriataka, sí'imem-bíchapo 'ámma'ali jíapsiwame íntok káa-tú'u'ika kaíta 'emót 'ayúka bíttukai. 'Epéesiom 4:24

Liójta nók-lútu'uriapo 'iníen 'á'a jí'ojtei'ibénasia: Kaábe 'aáne, sí'imeku tú'ii-yoéme. Wée'epulaka juní'i kaábe. Romáanom 3:10

Junúen-sán, 'iním wépul yoémta káa-tú'isi 'aúka'abetchí'ibo, 'iním káa-tú'iik 'á'a 'aú-taíteka'abénasia, 'íntok júu'u kókkowame júni'i júe káa-tú'iik bo'ó-jóoriawamta-betchí'ibo 'iníen 'aáyuk. 'Iníen-sán két, júu'u kókkowame sí'imemmeu chúpuk, bwé'ituk sí'ime káa-tú'iik yá'ala. Romáanom 5:12

Bwe'ituk, kaáchin 'itóm 'ito jínne'u-machíako, júu'u 'áchai Jesú-kríjto, túa júe taéwait 'áu yéu 'á'a pú'arit, sí'ime káa-tú'iik yoémraata-betchí'ibo muúkuk. Romáanom 5:6

Táa 'áapo júu'u Liós, tú'isi 'itóm 'á'a náke'u, 'itóm 'á'a jú'uneiyaatualaa, 'áchai Jesú-kríjtota, 'itó-betchí'ibo 'á'a mukúka'ue 'áman. Ketún junúen 'itóm káa-tú'ii-yoémemtuko júni'i. Romáanom 5:8

Táa 'áapo'ik Liójta-bétana 'á'a yoémiatuka'apo, 'útte'ata 'á'a jípwe'epo, Liójta tú'u-jíapsie 'aníawaka junúen jú'uneiyuaawak, kókkoarim-násuk 'á'a jíabijteka'abetchí'ibo. Túa junáa'a júu'u 'itóm 'áchai Jesú-kríjto. Romáanom 1:4

Bwéituk jú'uneate, 'áchai Jesú-kríjtota junúen, séjtul kokkóarim-násuk jíabijtesukai, két,

jakwóo-júni'i, káa júchi 'á'a múkne'epo. Júu'u kókkowame, jakwóo-júni'i 'áu yumá'abetchí'ibo, káa 'íntok 'útte'ata jípu'unee. Romáanom 6:9

Bwé'ituk, 'émpo, 'áchai, Jesú-kríjtota 'emó yó'owak, tí juébenam-bíchapo 'á'a téuwaaka'ateko, 'íntok túa lútu'uriapo, 'áapo'ik kókkoarim-násuk, Liójta 'á'a jíabijteka'u súale'eteko, 'émpo jínne'uitunee. Romáanom 10:9

Táa két 'ínen 'á'a jí'ojtei'ibénasia: "Jábetaka júni'i, wáa'a túa júnen jíáka, júe 'itóm yó'owabeu-bícha, 'áapo'ik 'á'a jíókolinee'u 'a'áwame, junáa'a jínne'ui-túnee," tí jí'ojtei. Romáanom 10:13

Junúen-sán, 'ínen né 'á'a lútu'uriatuka'apo jú'unea, Liójta jíba 'itóm 'á'a nákné'ebetchí'ibo, kaíta 'itóas 'ayúka'apo. Kía kókkowamta 'itóm májjaunee'u júni'i. 'Íntok kía 'iním jíapsaka, béttesi 'itóu 'ayúkame júni'i. 'Íntok kía júme'e 'ánkelesim júni'i. 'Íntok kía júme'e 'iním yó'o-nésauweme júni'i. 'Íntok kía káa bíttaka júni'i, júka'a bébeje'erita-bétana 'útte'ata jípweme júni'i. 'Íntok kía 'iníme taéwaimmet 'ayúkame. 'Íntok kía júu'u chúkula yéu-machíaneeme júni'i. 'Íntok kía júm téekau 'ayúkame 'íntok 'iním bwíapo 'ayúkame júni'i. 'Íntok kía jíta tá'abwika júka'a Liójta jú'unaktei júni'i, túa kaíta, 'áapo'ik 'áchai Liójta, 'itóm 'áchai Jesú-kríjtota 'itó-betchí'ibo 'á'a yáaka'ue itóm 'á'a nák-jíókolee'u 'itóm 'á'a jú'uneiyaatuaka'u-bétana 'iníka'a 'á'a béje'eka 'itóm 'á'a koptátuaneeme Romáanom 8:38-39